



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

27. Æternitas Christi Regis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

214 *Domus aternitatis. Consideratio*
dis animosos, ex imperfectis, perfectos
& sanctos. O aeterna sanctitas! voluptas,
ubertas & amœnitas, ex inchoata hujus
vitæ sanctimonia, deduc nos ad sancti-
tatem perfectissimam cœlestis patriæ, ut
ibidem Te, uti & Patrem ac Filium; fa-
cie ad faciem videamus, amemus & lau-
demus in sæcula.

CONSIDERATIO XXVII.

Æternitas Christi JESU Regis nostri.
Regnabit in Domo Jacob in aeternum, &
regni ejus non erit finis. Luc. c. 1. 32.

19. Martii.

I. **C**ONsidera primò regnum Christi:
nam Christus Dominus ac Re-
demptor noster possidet regnum, & qui-
dem aeternum, juxta verba Archangeli,
Regnabit in Domo Jacob in aeternum, &
regni ejus non erit finis. l. c. Regnabit in
Domo Jacob, id est in Ecclesia, sive in po-
pulo fideli, qui olim Christo nascente
erat populus Israel, seu filii & posterii
Jacob. Hoc regnum in Davide tempo-
rale fuit; sed in Christo spirituale &
æter-

æternum: nam eo Christus in fidelibus & Sanctis regnat, hîc per gratiã, in cœlo regnabit per gloriam, idque in æternum. Hoc regnum Deus Christo dedit, quasi in actu primo in Incarnatione; in actu secundo hoc regnum cœpit in prædicatione; promotum fuit per prædicationẽ Apostolorum, perfectum verò extitit post Christi resurrectionẽ & ascensionẽ: consummatum omnino & gloriosum erit, post judicium generale, in cœlesti Patria.

II. Considera deinde regnum Christi esse duplex. Primum est *regnum spirituale* in Ecclesia, hanc enim quasi Rempubli-
 cam, seu imperium fidelium, Christus in Judæa instituit, atque certis legibus, ordinibus, Sacramentis ordinavit, ac per S. Petrum, ejusque successores, tanquam Vicarios suos regit & per omnes gentes propagat. Et hoc est regnum quod Messia, id est Christo, dandum prædixerunt David & Prophetæ. Ita S. Aug. Tract. 115. in Joan. Secundum *regnum Christi*, ut docet D. Thomas L. 1. de Regim. Princ. c. 12. & alii, est *physicum, sive mundanum*: Christus enim à primo con-
 K ceptio-

216 *Domus aternitatis. Consideratio*
ceptionis suæ instanti, propriè & directè
habuit regnum & Dominium totius
mundi, quoad jus & potestatem; ut pos-
set Reges quoslibet è regno deponere &
alios creare; licet hac potestate in terris
non sit usus; hinc dixit: *Regnum meum*
non est de hoc mundo. Matt. c. 27.

III. Magna est excellentia hujus regni
Christi, quà homo est, & Verbo hypo-
staticè unitus! Est enim medium inter
regnum summum seu divinum Dei; &
intimum seu humanum Regum terræ: &
longè omnia regna humana excedit. 1.
Origine, quia à Deo manat, non datur à
Republica. 2. Firmitate, quia insupera-
bile est, perpetuum & æternum. 3. Obje-
cto, quia ad omnia creata, etiam ad An-
gelos se extendit. Quæ patent ex eo, quia
Christus dicitur in tempore, id est in hu-
manitate, scriptum habere: *Rex Regum*
& Dominus Dominantium. Apoc. c. 19.
16. Dicitur quoque esse *Princeps Regum*
terra. Apoc. c. 1. 5. Et de se ipse asserit:
Datæ est mihi omnis potestas, in cælo & in
terra. Matth. c. 28. Hæc enim ei debita
erat, ratione unionis hypostaticæ cum
Verbo,

Verbo, sive Dei Filio, per quam ascitus erat in Filium Dei, ut hæres esset & Dominus Univerforum. O quàm nobile regnum!

Affectus submissionis.

O Rex meus & Deus meus! in cuius ditione cuncta sunt posita; gaudeo de potestate tua super omnes; gratulor tibi de regno adeò magnifico & amplo: & gratias summas ago, quòd me ad regnum tuum prædestinare & vocare dignatus sis. Et sicut tu me ad Ecclesiæ regnum, ad fidem, gratiam, charitatem, Sacramenta, salutemque æternam vocasti; ita ego me totum potestati tuæ supremæ ac regiæ, penitus submitto. **O** Domine ego servus tuus, & filius ancilla tua: tua me potentia protegat, dominium possideat, sapientia dirigat, fortitudo defendat, clementia foveat, & faueat, justitia remuneret: ut tanquam subditus & servus fidelis, super multa constituar & ex ore tuo dulcissimo aliquando audire merear: *Intra in gaudium Domini tui.*

20. Martii.

I. **C**ONsidera regiam Christi Majestatem! nam Christus Dominus Rex est, & quidem *aternus Rex saeculorum immortalis*. 1. Tim. c. 1. 17. Nec solùm saeculorum praecedentium; sed etiam futurorum. Est *Rex Supremus & absolutus*, à nemine dependens; sed à quo omnes Reges mortales ac Principes dependent. Est *Rex potentissimus. Beatus & solus potens*. 1. Tim. c. 6. Dominans à mari usque ad mare. Est *Rex fortissimus*; cui, non est, qui possit resistere. Est *Rex sapientissimus*, in quo sunt omnes thesauri sapientiae & scientiae Dei. Est *Rex clementissimus, benignissimus & humanissimus*. *In hilaritate ejus omnium vita, & clementia ejus gratissima, quasi mber serotinus*. Est *Rex justissimus*, cujus *justitia est justitia in aeternum*. Psal. 118. 142.

II. Est quoque Christus Dominus, *Rex excelsus, Rex terribilis, Rex magnus super omnem terram*. Psal. 7. 2. *Rex excelsus* est ratione divinitatis ascensionis, dignitatis, potestatis, gloriae ac throni col-

locati

locati ad dexteram Patris. *Excelsus super omnes gentes Dominus, & super caelos gloria ejus.* Psal. 112. 4. *Rex terribilis, & formidabilis, ratione potentiae, justitiae, vindictae extremi judicii, & supplicii sempiterni.* *Rex magnus, universalitate domini, quia Rex est omnium populorum: duratio-ue, quia in aeternum regnat, Authoritate, quia Rex est omnium Regum, qui totum orbem ab errore liberavit, daemones inde expulit, & omnia quaecunque vult facit in caelo & in terra.*

II. Hic Dominus noster Jesus, Rex tam admirabilis & magnus constitutus est *Rex super Sion, montem sanctum ejus.* Id est super Ecclesiam & toto vitae suae tempore, se Regem exhibuit. In incarnatione enim Rex inunctus & consecratus est. *Unxit te Deus, oleo letitiae.* Psal. 44. 8. In nativitate Rex Judaeorum vocatus & regia dona & regibus accepit. In praedicatione, potestatem regiam, in corpora & animas demonstravit. In ingressu Hierosolymae, regii triumphispecimen exhibuit: In passione, factus est *Principatus ejus super humerum ejus.* Isaia c. 9. 6. Et

220 *Domus aeternitatis. Consideratio*
in cruce titulo Regis Judæorum conde-
coratus est. In resurrectione & ascensio-
ne *Rex gloria* nuncupatus. In die judicii
in justitia judicabit, & in capite ejus dia-
demata multa, oculi ejus flamma ignis.
Apoc. c. 19. 11.

Actus Homagii.

O Rex Sionis inclyte! Rex & terre-
stris & coelestis Hierosolymæ, quas
tibi grates referam, quod me indignissi-
mum, Ecclesiae tuæ filiis ac subditis an-
numeraveris? Te ego Regem meum su-
premum & absolutum agnosco ac profi-
teor; tibi fidelitatis homagium præsto
ac juro. Potentiæ, sapientiæ & clemen-
tiæ tuæ, me totum committo; celsitudi-
nem, terribilitatē ac magnitudinē tuam
revereor & adoro: cum Angelis, natum
laudo; cum regibus, munera offero;
cum pueris, triumphanti. *Hosanna*, ac-
clamo: Patienti compatior; crucifixo
configi desidero; ascendentem deside-
riis sequor, Judicem clementem præsto-
lor, & cum gratia tua, sic vivam, ut ali-
quando tecum regnem in Domo Jacob
in æternum.

21. Martii.

I. **D**enique post diem iudicii, plenè & perfectè regnabit Rex noster Jesus, in cœlesti Hierosolyma, in summa, pace tranquillitate & gloria. *Regnabit in Domo Jacob in æternum, & regni eius non erit finis, l.c.* Sicut enim Rex æternus est, ita & regnum ejus, cunctaque quæ in eo sunt, æterna sunt. De hoc regno sempiterno vaticinatus est Daniel c. 2. Profereus explicationem statuæ admirabilis, Regis Babyloniorum Nabuchodonosoris, aureæ, argenteæ, æreæ, ferreæ, fictilis; quæ à lapide de monte abscisso sine manibus [scilicet Christo] in pulverem redacta est. *In diebus illis, suscitabit Dominus regnum, quod in æternum non dissipabitur; comminuet autem omnia regna hæc & ipsum stabit in æternum. l.c.*

II. Lapis enim iste de monte, comminuet, regnum Babylonicum aureum; Persicum argenteum; Græcum æreum; Romanum ferreum; simulque grassantia, in omnibus regnis istis, vitia pessum dabit. Scilicet figuratam in aureo capite

222 *Domus aternitatis. Consideratio*
ambitionem, & superbiam; in femore
areo luxuriam; in pedibus fictilibus ava-
ritiam: atque ita regnum Jesu Christi
victoris, & de omnibus regnis, eorum-
que vitiis triumphantis, *Stabit in æ-*
ternum.

III. *Et regni ejus non erit finis. Regnum*
ejus non dissipabitur. Dan. c. 6. 26. Omnia
enim in eo sunt æterna. Rex æternus, Re-
gia æterna; Jerusalem cœlestis: *non com-*
movebitur. Psal. 45. *Thronus ejus erit*
æternus, nam *Thronus ejus in æternum*
firmabitur. Proverb. c. 29. Principes,
Proceres, Aulici, Ministri, Angeli & ho-
mines, assistent ei, & servient in æternum,
maximo numero. *Millia millium mini-*
strabant ei, & decies centena millia assiste-
bant ei. Dan. c. 7. 10. O quàm felix &
gloriosum est hoc regnum, in quo cum
Christo regnant Sancti, cujus quot sunt
cives, tot Principes; quot incolæ, tot
Reges immortales: in quo regno, ut
speramus, aliquando cum Chri-
sto regnabimus in æter-
num.

Ap.

Applausus.

O Regnum gloriæ, regnum felicitatis æternæ, quàm beatum, quàm optatum es! In quo Rex æternus, æternum imperat! quod omnia regna mundi transcendit & evertit; cujus regia æterna, thronus æternus, Proceres æterni; quorum comparatione Reges terræ, nil nisi mediastini sunt & mancipia. O felix, iterumque felix regnum, cujus opulentia infinitas, cujus amplitudo immensitas, cujus duratio æternitas, cujus Majestas ac dignitas, ipsa divinitas. O Rex sæculorum immortalis, memento mei, dum veneris in regnum tuum! O adveniat, obsecro, nobis regnum tuum! cujus & nullus est finis, & omnis finis est,
 Deus triunus Pater & Filius &
 Spiritus sanctus, Amen.

